

Siunnersuummut oqaaseqaatit

Nalinginnaasumik oqaaseqaatit

1. Aallaqqaasiut

Siusinaartumik pensionisiat pillugit Inatsisartut inatsisaata allangortinneqarnera pillugu Inatsisartut inatsisaat nr. 40, 23. november 2017-imeersoq aqputigalugu inatsimmi § 17, imm. 4-p allangortinnissaa akuersissutigineqarpoq, tassanilu naggammi siullermi oqaasertat, naggatit aappaanni oqaasertanut toqqartumik akerliupput.

Tamatumani pineqarpoq inatsisiliornermut tunngatillugu kukkuneq, tassami oqaasertat eqqortut allannguutissatut siunnersuutip suliarineranut atatillugu tusarniaassutaasumi ersipput. Taamatuttaaq Inatsisartut inatsisaannut nr. 40, 23. november 2017-imeersumut oqaaseqaatit inatsimmi oqaasertaliussat eqqortut tunngavigalugit suliaapput.

Siusinaartumik pensionisianik pisartagallit, aapparisaq, nalunaarsukkamik aapparisaq inooqatigisalluunniit maannakkorpiaq isertitai apeqqutaatinnagit siusinaartumik pensionisiat qaffasinnerpaat minnerpaamik 50 %-iat pisassagaat siunnersuutip siunertaraa qulakkiissallugu. Tamannalu § 17, imm. 4-mi pkt.1-imi ersippoq.

Kisianni kukkunikkut, siusinaartumik pensionisiallip aappaarsimagunilu aapparisaata ukiumut tamarmiusumut piffissami pineqartumi isertitai tunngaviusumik pensionisianut apeqqutaasut § 17, imm. 4-mi pkt. 2-mi ersersinneqarpoq.

2. Siunnersuummi immikkoortut pingaarnertit

§ 17, imm. 4-mi pkt. 2-mi oqaatsitigut siunnersuut manna aaqiineruvoq, tamatumalu kingunerisaanik ”aappaarsimagunilu aapparisaata” peerneqassaaq. § 29-ip ataani immikkoortut aaqqissuunneqarput, taamaalillutik eqqortunik kisitsisitalersorneqarlutik.

Inatsisit oqaaseqaatillu siunertaasa naapertuutilernissaat inatsisillu siunertaa siunnersuummi qulakkeerneqarpoq. Siusinaartumik pensionisiat pillugit Inatsisartut inatsisaata allangortinneqarnera pillugu, Inatsisartut inatsisaata nr. 40, 23. november 2017-imeersup siunnersuutikkut allangortinnera tassaavoq aallaqqaammullu aalajangersagaq eqqortoq tusarniaassutigineqartoq, inatsisissallu suliareqqaarnerini ersittoq. Taamaamat inatsisartut inatsisaannut oqaaseqaatit allatigut allangortinneqanngillat, taamaalillunilu 2017-imi inatsisip allannguutaanut nalinginnaasumik immikkullu oqaaseqaatit suli atuupput.

Inatsisissatut siunnersuut inatsimmut atuuttumut sanilliullugu	
<i>Oqaasertat atuuttut</i>	<i>Inatsisissatut siunnersuut</i>
	§ 1 Siusinaartumik pensionisiat pillugit Inatsisartut inatsisaanni nr. 40, 9. december 2015-imeersumi Inatsisartut inatsisaanni nr. 19, 28. november 2016-imi aamma Inatsisartut inatsisaanni nr. 40, 23. november 2017-imeersumi allanngortinneqartumi ima allannguisoqassaaq:
§ 17 <i>Imm. 4. § 17, imm. 2 naapertorlugu, siusinaartumik pensionisiallit pisinnaatitaapput tunngaviusumik pensionisiani qaffasinnerpaamik siusinaartumik pensionit 50 %-iinig pisassallutik, aappaqarsimagunik aapparisaata piffissami pineqartumi tamakkiisumik isertitariunnagaasa annertussusii apeqqutaatinnagit. § 17, imm. 2 naapertorlugu, tunngaviusumik pensionisiat appartinneqassapput, siusinaartumik pensionisiallip aappaqarsimagunilu aapparisaata ukiumut tamarmiusunik piffissami pineqartumi isertitaasa, siusinaartumik pensionisiat, utoqqalinersiat pensionisiallu Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu akiliutigineqarsimasut, ilanngunnagit, 28.000 kr.-t, qaffasinnerpaamik pensionisiat 50 %-ii ilanngullugit, sinnerpatigit. § 15 imm. 4. naapertorlugu appartitsisoqassaaq appasinnerpaamik siusinaartumik pensionisiantut aningaasanut killiliussat assingi malillugit.</i>	1. § 17, imm. 4, pkt. 2 ima oqaasertalerneqassaaq: “ § 17, imm. 2 naapertorlugu, tunngaviusumik pensionisiat appartinneqassapput, siusinaartumik pensionisiallip ukiumut tamarmiusunik piffissami pineqartumi isertitaasa, siusinaartumik pensionisiat, utoqqalinersiat pensionisiallu Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu akiliutigineqarsimasut, ilanngunnagit, 28.000 kr.-t, qaffasinnerpaamik pensionisiat 50 %-ii ilanngullugit, sinnerpatigit.”
§ 29 Inummut tapit kommunalbestyrelsimit akuersissutigineqartarput inuit ataasiakkaat pisariaqartitaat	2. § 29, ima oqaasertaliorneqassaaq: ” § 29. Inummut tapit kommunalbestyrelsimit akuersissutigineqartarput inuit ataasiakkaat

<p>nalilersuiffigineqareernerisigut soorlu imaattut:</p> <p>1) ingerlaavartumik pisartakkatut sivisunerpaamik ukiumut ataasiakkaarlugit aalajangersarneqartunik, imaluunniit</p> <p>2) immikkut pisariaqartitat matussuserniarlugit ataasiarluni ikiorneqarneq, ilaatigut makkununnga:</p> <p>a) isarussat,</p> <p>b) atisat,</p> <p>c) pequtit,</p> <p>d) Kalaallit Nunaata iluani angalanermut aningaasartuutit naleqquttut, aamma</p> <p>e) ataasiaannarluni aningaasartuutit aallat pisariaqartutut naatsorsuutigineqartut.</p> <p><i>Imm. 2.</i> Kalaallit Nunaata avataani angalanermut ataasiaannarluni ikiorsiissutinik tunisisoqarsinnaangilaq.</p> <p><i>Imm. 2.</i> Inuttut tapit utertillugit akileqquneqarsinnaapput:</p> <p>1) Illersorneqarsinnaanngitsumik aningaasanik aqutsinerlunneq pissutigalugu inuttut tapit tunniunneqarpata, imaluunniit</p> <p>2) Siusinaartumik pensionisiaqartoq inuttut tapinik pisartagaqartoq kingusinnerusukkut aningaasanik piffissamut pineqartumut inuttut tapinik assinganik siunertaqartumik pissarsisimappat.</p> <p><i>Imm. 3.</i> Utertillugit akileeqqusineq aatsaat piumasarineqarsinnaavoq siusinaartumik pensionisiaqartumut tapinik aningaasaliissuteqarnermut atatillugu utertitsisussaataitanermik ilisimatitsisoqarsimappat.</p> <p><i>Imm. 4.</i> Siusinaartumik pensionisiaqartumut Kalaallit Nunaata avataani aalajangersimasumik najugaqartumut inuttut tapit tunniunneqassanngillat.</p> <p><i>Imm. 5.</i> Inuttut tapit pillugit Naalakkersuisut malittarisassanik ersarinnerusunik aalajangersaasinnaapput.</p>	<p>pisariaqartitaat</p> <p>nalilersuiffigineqareernerisigut soorlu imaattut:</p> <p>1) ingerlaavartumik pisartakkatut sivisunerpaamik ukiumut ataasiakkaarlugit aalajangersarneqartunik, imaluunniit</p> <p>2) immikkut pisariaqartitat matussuserniarlugit ataasiarluni ikiorneqarneq, ilaatigut makkununnga:</p> <p>a) isarussat,</p> <p>b) atisat,</p> <p>c) pequtit,</p> <p>d) Kalaallit Nunaata iluani angalanermut aningaasartuutit naleqquttut, aamma</p> <p>e) ataasiaannarluni aningaasartuutit aallat pisariaqartutut naatsorsuutigineqartut.</p> <p><i>Imm. 2.</i> Kalaallit Nunaata avataanut angalanermut ataasiaannarluni ikiorsiissutinik tunniussisoqarsinnaangilaq.</p> <p><i>Imm.3.</i> Inuttut tapit utertillugit akileqquneqarsinnaapput:</p> <p>1) Illersorneqarsinnaanngitsumik aningaasanik aqutsinerlunneq pissutigalugu inuttut tapit tunniunneqarpata, imaluunniit</p> <p>2) Siusinaartumik pensionisiaqartoq inuttut tapinik pisartagaqartoq kingusinnerusukkut aningaasanik piffissamut pineqartumut inuttut tapinik assinganik siunertaqartumik pissarsisimappat.</p> <p><i>Imm. 4.</i> Utertillugit akileeqqusineq aatsaat piumasarineqarsinnaavoq siusinaartumik pensionisiaqartumut tapinik aningaasaliissuteqarnermut atatillugu utertitsisussaataitanermik ilisimatitsisoqarsimappat.</p> <p><i>Imm. 5.</i> Siusinaartumik pensionisiaqartumut Kalaallit Nunaata avataani aalajangersimasumik najugaqartumut inuttut tapit tunniunneqassanngillat.</p> <p><i>Imm. 6.</i> Inuttut tapit pillugit Naalakkersuisut malittarisassanik</p>
--	---

	ersarinnerusunik aalajangersaasinnaapput.”
	§ 2 Inatsisartut inatsisaat atuutilerpoq 1. december 2018.

3. Pisortanut aningaasatigut allaffissornikkullu kingunerisassai

Pisortanut aningaasatigut allaffissornikkullu kingunerisassai allanngussanngitsut Siusinaartumik pensionisiat pillugit Inatsisartut inatsisaata allanngortinneqarnera pillugu Inatsisartut inatsisaat nr. 40, 23. november 2017-imeersumut oqaaseqaatini ersipput.

4. Inuussutissarsiutinik ingerlataqartunut aningaasatigut allaffissornikkullu kingunerisassai

Siunnersuut inuussutissarsiutinik ingerlatsisunut aningaasatigut allaffissornikkullu kinguneqassanngilaq.

5. Avatangiisinut, pinngortitamut peqqissutsimullu kingunerisassai

Siunnersuut avatangiisinut, pinngortitamut peqqissutsimullu kinguneqassanngilaq.

6. Innuttaasunut kingunerisassai

Innuttaasunut kingunerisassai allannguuteqanngitsut Siusinaartumik pensionisiat pillugit Inatsisartut inatsisaata allanngortinneqarnera pillugu Inatsisartut inatsisaannut nr. 40, 23. november 2017-imeersumut oqaaseqaatini ersippoq.

7. Kingunerisassai pingaarutilit allat

Siunnersuut allanik pingaarutilitsigut kinguneqassanngilaq.

8. Oqartussaasunik kattuffinnillu il.il. tusarniaaneq.

Siunnersuut tusarniaassutigineqanngilaq, siunnersuutip Siusinaartumik pensionisiat pillugit Inatsisartut inatsisaata allanngortinneqarnera pillugu Inatsisartut inatsisaata nr. 40, 23. november 2017-imeersuup suliarineranut atatillugu tusarniaasuttaasoq naapertormagu.

Siunnersuummi aalajangersakkanut ataasiakkaanut oqaaseqaatit

§ 1

Nr. 1-imut

Siunnersuutigineqarpoq § 17. Imm. 4 pkt. 2-mit oqaatsit ”aappaqarsimagunilu apparisaata” peerneqassasut.

Nr. 2-mut

§ 29-imi inatsisinut allannguummi 2017-imeersumi immikkoortut eqqortumik kisitsisilersorneqarnissaat siunnersuutigineqarpoq.

§ 2

Siunnersuutigineqarpoq Inatsisartut inatsisaat atuuttuulissasoq 1. december 2018.